

# " GURU: AGEN PERUBAHAN UMMAH "

لا إِلَنهَ إِلاَّ اللَّهُ وَحْدَهُ. لاَ اَتَّقُواْ اللَّهَ حَقَّ تُقَاتِهِ وَلَا

### Sidang Jumaat Yang Dirahmati Allah SWT,

Marilah kita mempertingkatkan ketaqwaan kepada Allah S.W.T dengan mematuhi segala perintah-Nya dan meninggalkan segala larangan-Nya. Allah S.W.T telah berfirman dalam surah AZ-Zumar ayat 9:



# قُلْ هَلْ يَسْتَوِى ٱلَّذِينَ يَعْلَمُونَ وَٱلَّذِينَ لَا يَعْلَمُونَ إِنَّمَا يَتَعَلَمُونَ إِنَّمَا يَتَعَلَمُونَ أُولُواْ ٱلْأَلْبَبِ

"Katakanlah (lagi) kepadanya: "Adakah sama orang-orang yang mengetahui dengan orang-orang yang tidak mengetahui?" Sesungguhnya orang yang dapat mengambil pengajaran dan peringatan hanyalah orang-orang yang berakal sempurna".

Ayat ini menjelaskan bahawa dalam masyarakat manusia ini terdapat dua golongan iaitu yang berilmu dan yang tidak berilmu. Pemikiran dan pandangan hidup keduanya dalah berbeza, yang kurang ilmu mungkin tidak dapat berfikir seperti mereka yang berilmu. Sikap dan pendirian orang yang berilmu juga berbeza dengan orang jahil dalam situasi yang tertentu.

### Sidang Jumaat Yang Dirahmati Allah SWT,

Kita bersyukur ke hadrat Allah S.W.T kerana menjadikan kita golongan yang beriman dan berilmu pengetahuan. Di samping itu, marilah lita mengucapkan "Selamat Hari Guru" kepada para guru yang berjasa mendidik kita dan generasi kita dalam semua peringkat, sama ada di peringkat prasekolah hinggalah ke Institusi Pengajian Tinggi (IPT).

Tidak dapat dinafikan bahawa guru merupakan agen terpenting dalam menyampaikan ilmu dan menyumbang kepada keberkesanan sistem pendidikan. Walau baik sekalipun sistem pendidikan itu sekiranya agen yang menyampaikannya tidak efektif, hasilnya tidak akan sampai kepada kejayaan murni yang dicita-citakan. Oleh itu, kejayaan dan keberkesanan sistem



pendidikan dalam menjana kefahaman masyarakat supaya menjadi lebih unggul dapat dicapai melalui hasil usaha para guru yang bertugas sebagai pendidik.

Sejarah telah membuktikan tentang kegemilangan serta kejayaan para guru melaksanakan tugas dan peranan tersebut. Kesedaran untuk membangunkan masyarakat supaya lebih baik adalah penting. Persaingan teknologi yang amat canggih dewasa ini memerlukan suatu pengarahan yang lebih kukuh supaya pelajar-pelajar dapat menentukan arah tuju hidup masing-masing. Para pelajar harus diberi pendedahan untuk menyaring serta memilih ilmu dan teknologi canggih masa kini. Dalam hal ini, para guru mestilah turut sama menguasai ilmu dan teknologi baru yang semakin berkembang dan mencabar ke arah melahirkan generasi berdaya saing. Ini seiring dengan tuntutan Islam di mana peranan guru telah pun dipelopori oleh Nabi Muhammad S.A.W berpandukan kepada wahyu-wahyu yang telah disampaikan kepada Baginda yang kemudiannya Baginda menyampaikan pula kepada para sahabatnya.

Islam menyanjung tinggi peranan guru, kerana guru merupakan golongan ulama' yang bertanggungjawab dan mempunyai kedudukan tinggi dalam masyarakat. Rasulullah S.A.W bersabda:

"Sesungguhnya ulama' itu adalah mewarisi perjuangan para Nabi".

(Riwayat Abu Daud dan At-Tirmizi)

Para guru sewajarnya mempunyai ilmu yang luas dan pemikiran yang mantap serta keperibadian yang luhur. Kelebihan ini nescaya dapat menjana para ilmuan yang berwibawa melahirkan golongan pemikir yang



bertanggungjawab serta berbudi pekerti mulia bahkan berupaya menjadi ikutan kepada seluruh umat Islam.

Setiap tingkah laku serta tindak-tanduk perwatakan guru akan menjadi perhatian serta ikutan kepada pelajar. Malahan masyarakat meletakkan martabat guru sebagai sumber ilmu dan dihormati kerana peranannya yang besar dalam menggerakkan perubahan dan pembangunan masyarakat.

### Sidang Jumaat Yang Dirahmati Allah SWT,

Kerjaya perguruan kini menghadapi banyak dugaan dan cabaran baru yang menghendaki setiap guru menumpukan sepenuh perhatian terhadap kerjayanya.

Perubahan yang pantas berlaku di dunia hari ini dan di negara kita memerlukan para guru segera bingkas bangun mendepani cabaran yang ada berbekalkan ilmu dan tindakan yang proaktif supaya dapat mencorakkan dan mengawal suasana warga pelajar dan masyarakat daripada keciciran dan ketinggalan dalam semua bidang.

Guru selain berfungsi sebagai pendidik dan pengajar ia hendaklah sentiasa menggarap ilmu pengetahuan dan mampu menyerlah dengan pembinaan sakhsiah yang luhur dan berwibawa menjadi ikutan semua lapisan masyarakat. Ia hendaklah menyedari setiap perubahan dan gerakan yang berlaku khususnya dalam aspek pembangunan negara adalah berkait rapat dengan peranan seseorang guru. Guru yang kreatif dan bijak menyelesaikan segala kebuntuan akan mampu membawa perubahan dan pembangunan anak didiknya dan sekaligus membawa kepada kemajuan negara.



### Sidang Jumaat Yang Dirahmati Allah SWT,

Pendidikan adalah satu pelaburan yang besar untuk masa depan ummah dan bangsa kita. Kita perlu melahirkan generasi yang bercita-cita tinggi, mempunyai azam dan kemahuan yang kuat demi membentuk masyarakat yang berjaya dengan cemerlang. Justeru, masyarakat dan negara kita amat beruntung apabila kita mempunyai ciri-ciri pendidik seperti berikut;

Pertama: Pendidik yang memahami tujuan dan matlamat

pendidikan untuk melahirkan insan luhur, beriman dan

amat bermanfaat kepada pembangunan masyarakat dan

negara.

**Kedua**: Pendidik yang bertanggungjawab melaksanakan tugas

yang diamanahkan.

**Ketiga**: Pendidik yang mempunyai keperibadian yang luhur,

berakhlak mulia, mempunyai kesabaran dan keikhlasan.

**Keempat**: Pendidik yang peka dan prihatin terhadap

perkembangan masyarakat sekelilingnya.

**Kelima**: Pendidik yang menjadi penggerak serta penyubur

budaya ilmu.

### Sidang Jumaat Yang Dirahmati Allah SWT,

Peranan para guru bukan sahaja bertanggungjawab untuk membekalkan nilai yang luhur kepada generasi selanjutnya, ia juga mestilah berusaha memperbaiki keadaan masyarakat semasa. Tenaga guru tidak terhad di dalam bilik darjah atau pun persekitaran kawasan sekolah sahaja. Para guru hendaklah menyedari hakikat bahawa pendidikan merupakan agen perubahan





nilai sosial, dalam apa sahaja aktiviti kemasyarakatan setempat yang berperanan merubah daripada keadaan sedia ada kepada yang lebih baik.

Sesungguhnya, peranan guru dalam membangunkan masyarakat amat luas. Guru harus memperlengkapkan dan menyesuaikan diri dalam setiap kehidupan di dalam sesebuah masyarakat. Sebagai contoh adakalanya guru mengambil peranan sebagai kerani, sebagai pengurus, seorang aktivis persatuan, seorang pentadbir, seorang ahli masyarakat yang unggul, seorang pembimbing, seorang hakim dan sebagainya.

### Sidang Jumaat Yang Dirahmati Allah SWT,

Bagi memperkasakan kerjaya perguruan ini, sokongan ibubapa dan masyarakat amat diperlukan.

Marilah kita mengucap syukur ke hadrat Allah S.W.T dan memberikan ucapan penghargaan atas apa yang telah disumbangkan oleh para guru kepada kita dan mendoakan agar mereka ditetapkan iman, bertaqwa dan beramal soleh walaupun di mana mereka berada. Mereka yang telah kembali ke rahmatullah, kita doakan supaya jasa dan pengorbanan mereka diberi ganjaran yang selayaknya oleh Allah S.W.T dan ditempatkan bersama orangorang yang soleh.

أَعُوذُ بِٱللَّهِ مِنَ ٱلشَّيَطَنِ ٱلرَّجِيمِ

شَهِدَ ٱللَّهُ أَنَّهُ لَآ إِلَهَ إِلَّا هُوَ وَٱلْمَلَيْكَةُ وَأُولُواْ ٱلْعِلْمِ قَآبِمًا

بِٱلْقِسْطِ لَآ إِلَهَ إِلَّا هُوَ ٱلْعَزِيزُ ٱلْحَكِيمُ



"Allah menerangkan bahawa tiada Tuhan melainkan Dia (Allah) yang sentiasa mentadbir dengan keadilan dan malaikat-malaikat serta orang-orang yang berilmu. Tiada Tuhan melainkan Dia yang Maha Kuasa lagi Maha Bijaksana".

(Ali Imran: 18)

بَارَكَ اللهُ لِي وَلَكُمْ بِالْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ، وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ، وَتَقَبَّلَ مِنِّيْ وَمِنْكُمْ تِلَاوَتَهُ وَ إِنَّهُ وَ هُوَ السَّمِيْعُ الْعَلِيْمُ.

أَقُولُ قَوْلِيْ هَاذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَآئِرِ الْمُسْلِمَاتِ، وَالْمُوْمِنِيْنَ وَالْمُسْلِمَاتِ، وَالْمُوْمِنِيْنَ وَالْمُسْلِمَاتِ، وَالْمُوْمِنِيْنَ وَالْمُواتِ، فَاسْتَغْفِرُوهُ وَالْمُوَاتِ، فَاسْتَغْفِرُوهُ إِلَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُلِلَّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا مِنَ الْمُسْلِمِيْنَ، وَرَزَقَنَا مِنَ الطَّيِبَاتِ. أَشْهَدُ أَنْ لَآ إِلَهَ إِلَّهَ الله وَحْدَهُ, لَا الله وَحْدَهُ, وَرَسُوْلُهُ. شَرِيْكَ لَهُ، وَأَشْهَدُ أَنَّ مُحَمَّدًا عَبْدُهُ, وَرَسُوْلُهُ. اللَّهُمَّ صَلِّ وَسَلِّمْ وَبَارِكُ عَلَى سَيِّدِنَا مُحَمَّدٍ وَعَلَى آلِهِ وَسَلِّمْ وَبَارِكُ عَلَى سَيِّدِنَا مُحَمَّدٍ وَعَلَى اللهِ عَلَى اللهِ وَسَلِّمْ وَسَلِّمْ وَمَنْ تَبِعَهُمْ بِإِحْسَانٍ إِلَىٰ يَوْمِ الدِّيْنِ.

أُمَّا بَعْدُ، فَيَا عِبَادَ اللهِ، اِتَّقُواْ اللَّهَ فَقَدْ فَازَ الْمُتَّقُونَ.

قَالَ الله تَعَالَىٰ: إِنَّ ٱللَّهَ وَمَلَنِكَتَهُ وَيُصَلُّونَ عَلَى ٱلنَّبِيِّ يَنَأَيُّا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسَلِيمًا.



اَللَّهُمَّ صَلَّ وَسَلِّمْ عَلَىٰ سَيَّد الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرّياً آتِهِ أَجْمَعِينَ. اَللَّهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْأَحْيَاءِ مِنْهُمْ وَالْأُمْوَاتِ ، إِنَّكَ سَمِيْعُ مُجيْبُ الدَّعَوَاتِ ويَا قَاضِيَ الْحَاجَاتِ. اَللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيّكَ الْأَمِيْنِ، و نَسْأَلُكَ بأسْمَآئِكَ الْحُسْنَى وصِفَاتِكَ الْعُظْمَى أَنْ تَحْفَظَ بِعَيْنِ عِنَايَتِكَ الرَّبَّانيَّةِ وَبِحِفْظِ وقَايَتِكَ الصَّمَدَانيَّةِ، جَلاَلةً مَلِكِناً الْمُعَظَّم سُلْطَان سلاَغُور، سُلْطَان شَرَفُ الدِين ادريس ابن المرحوم سُلْطَان صَلاَحُ الدِّين عبد العزيز شاه الحاج. اللَّهُمَّ أَدِم الْعَوْنَ وَالْهِدَايَةَ وَالتَّوْفِيْقَ،



وَالصِّحَّ وَالسَّلاَمَةَ مِنْكَ، لِوَلِيِّ عَهْدِ سَلاغُور، تَعْكُو أَمِير شَاه إِبْنِ السُّلْطَان شَرَفُ الدِّين ادريس شاه الحاج فِيْ أَمْنِ وَصَلاَحٍ وَعَافِيَةٍ بِمَنَّكَ شاه الحاج فِيْ أَمْنِ وَصَلاَحٍ وَعَافِيَةٍ بِمَنَّكَ وَكَرَمِكَ يَا ذَاالْجَلال وَٱلْإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِلْمُوطَّفِيْنَ وَالرَّعِيَّةِ وَالْبِلادِ، وَبِلِغْ مَقَاصِدَهُمَا لِطَرِيقِ الْهُدَىٰ وَالرَّعَيَّةِ وَالْبِلادِ، وَبِلِغْ مَقَاصِدَهُمَا لِطَرِيقِ الْهُدَىٰ وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada ujian-Mu yang berat seperti banjir besar, kemarau panjang, wabak penyakit, persengketaan, kemiskinan dan lain-lain, supaya dengan demikian, negeri kami akan sentiasa bertambah makmur dan berkat.



رَبَّنَا هَبُ لَنَا مِنْ أُزُو جِنَا وَذُرِيَّاتِنَا قُرُّةَ أَعْيُنِ وَٱجْعَلْنَا لِأَمْتَّقِينَ كَسُنَةً وَفِي ٱلْأَخِرَةِ لِللَّمُتَّقِينَ كَسَنَةً وَفِي ٱلْأَخِرَةِ كَسَنَةً وَفِي ٱلْأَخِرَةِ حَسَنَةً وَقِنَا عَذَابَ ٱلنَّارِ.

عِبَادَ الله، إِنَّ ٱللهَ يَأْمُرُ بِٱلْعَدُلِ وَٱلْإِحْسَنِ وَإِيتَآيِ ذِي اللهَ اللهُ إِنَّ ٱللهَ يَأْمُرُ بِٱلْعَدُلِ وَٱلْإِحْسَنِ وَإِيتَآيِ ذِي اللهُ اللهُ عَنِ ٱلْفَحْشَآءِ وَٱلْمُنكِرِ وَٱلْبَغِي اللهَ عَنِ ٱلْفَحْشَآءِ وَٱلْمُنكِرِ وَٱلْبَغِي يَعِظُكُمْ لَعَلَّكُمْ تَذَكُرُونَ فَي يَعِظُكُمْ لَعَلَّكُمْ تَذَكُرُونَ فَي

فَاذْكُرُواْ اللهَ الْعَظِيْمَ يَذْكُرْكُمْ وَاشْكُرُوهُ عَلَىٰ نِعَمِهِ عَلَىٰ يَعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللهِ أَكْبَرُ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللهِ أَكْبَرُ وَاللَّهُ يَعْلَمُ مَا تَصْنَعُونَ.

MAJID/Li